



03. maj 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

- 1. Naalakkersuisut siunissami KNR-mik public serviceqarneq pillugu isumaqatigiissuteqartarnut atatillugu danskisuumiit/tuluttuumiit kalaallisuunngortitsisarnissap imaluunniit allagartalersuisalernissap ilanngunneqartalernissaa siunertaraat, taamaaliornikkut ullumimut naleqqiullugu KNR-ip TV-mi aallakaatitassiat eqqarsaatigalugit kalaallisuinnaq paasisartunut innuttaasunut annertunerusumik kiffartuussinissalernissaa anguniarlugu ?**
- 2. Tamatumunnga atatillugu Naalakkersuisut eqqarsaatigisinnaanerpaat TV-kkut aallakaatitassiat sorliit kalaallisuunngortinneqartassanersut imaluunniit allagartalersorneqatalissanersut allattussallugit ?**

(Inatsisartuni ilaasortaq Jørgen-Ole Nyboe Nielsen, Demokraatit)

Tunngavilersuut:

KNR-i nunarsuup sinneranut naleqqiullugu TV-qarfeerannguuvoq radioqarfeeranngullunilu. Nunani allani public service stationeqarfinnut naleqqiullugu radiuukkut tv-kullu aallakaatitassiornissamut atugassat ikittuaraapput. Aallakaatitassiarineqartartullumi imaannut tamanna pingaaruteqarpoq. KNR-i pingaarnersiuisariaqarpoq tamannalu Demokraatini paasilluarparput ataqqillugulu.

Taamaakkaluartorli uggornartutut isigaarput KNR-p TV-kkut aallakaatittagaasa ilarpasuit danskisut tuluttulluunniit allagartalersorneqartarmata. Qaqutigoorluinnarpoq aallakaatitassiat kalaallisunngortinneqartarnerat (oqalulluni) imaluunniit kalaallisut allagartalersorneqartarnerat. Tamatuma kinguneranik innuttaasut ilarpasui nuna tamakkerlugu TV-qarfitsinni aallakaatinneqartunut malinnaasinnaangillat.

Demokraatini nalunngilarput suut tamarmik kalaallisunngortinneqartarnissaat allagartalersorneqartarnissaalluunniit pisinnaangitsoq. Akisuallaarujussuartaavaoq taamaakkaluartorli peqataanik isumaqarpugut ilaannikkut aallakaatitassanik takkuttoqartartoq kalaallisunngortinneqartariaqartunik, inuiaqatigiit naligiillutik oqallinnermut malinnaasinnaaqullugit.

Apeqquqtit akeqquneqarput piffissarititaasut ullut suliffiit naliginnaasut qulit iluanni.